


大唐六典

7係4
3.042
19



四ノ條 4
3.042
19

4

大德寺與司農寺卷第十九

御撰

皇朝國史長編卷之九十五 禮部尚書中書令劉國文
上校國史館公 李林甫等奉 敕撰

卷之九十五

禮部

卷之九十五

卷之九十五

主簿二人

錄事二人

府三十八人

旧唐志作二十八人

史七十六人

計史三人

亭長九人

掌固七人

上林署

同景云卷第十

令二人

丞四人

府七人

史十四人

監事十人

典事二十四人

掌固五人

太倉署

令三人

丞六人 旧唐志作二人

府十人

史二十人

監事十人

典事二十四人

掌固八人

鈎盾署

大令二人

丞四人

府七人

史十四人

監事十人

典事十九人

掌固五人

導官署

令二人

丞四人

府八人

史十六人

監事十人

典事二十四人

掌固五人

太原永豐倉

監一人

丞二人

錄事一人

府三人

史六人

典事八人

掌固六人

龍門等諸倉

每倉監一人

丞二人

錄事一人

府二人

史四人

典事六人

掌固四人

司竹監

監一人

副監一人

丞二人

錄事一人

府二人

史四人

典事三十人

掌固四人

温泉湯監

監一人

丞一人

旧唐志作二人

録事一人

府一人

旧唐志作二人

史二人

掌固四人

京都苑總監

監各一人

副監各一人

丞各二人

主簿各一人

録事各二人

旧唐志作三人

京府各八人

史各十六人

典事各六人

旧唐志無典事

亭長各四人

掌固各六人

京都苑四面監

監各一人

副監各一人

丞各二人

錄事各一人

府各三人

史各六人

旧唐志作三人

典事各六人

掌固各六人

旧唐志作四人

諸屯監

監一人

丞一人

旧唐志作二人

錄事一人

府一人

史二人

典事二人

掌固四人

每屯主一人

屯副一人

九成宮總監

監一人

副監一人

丞一人

主簿一人

錄事一人

府三人

史五人

司農寺卿一人從三品

左傳少昊氏九扈為九農正尚書舜命棄為
后稷播時百穀周官冢宰有太府下大夫鄭

氏注云若今司農漢書百官表云治粟內史
秦官掌穀貨有兩丞景帝更名大農令武帝
更名大司農秩中二千石屬官有太倉均輸
平準都內籍田五令丞幹官鐵市兩長丞又
郡國諸倉農監都水六十五官長丞皆屬焉
又有漢書百官表搜粟都尉武帝軍官不常
置王莽改大司農曰羲和後更為納言後漢
改為大司農魏因之品第三晉置晉志置下
有丞字

功曹主簿錄事晉志錄事等員哀帝省併都

水孝武帝復置宋齊因之未有卿名梁天監

七年象四時置十二卿司農為春卿班第十

一又置勸農謁者亦隸司農陳因之梁梁恐

後魏大司農第二品上太和二十二年改第三

品北齊曰之後周依周官有司農上士二人掌

三農九穀稼穡之政令隋司農卿一人正三

品煬帝降為從三品司農但統上林太倉鉤

唐書卷之六
卷之十一
看導官四署罷典農華林二署以平準京市
隸太府寺掌苑園薪芻蘊炭市易度量皇朝
曰之龍朔二年改司稼寺正卿咸亨中復舊
少卿二人從四品上

後魏初置少卿第三品品下當太和二十二年為正第四品上北齊曰之後周司農有中士一人隋品全北齊煬帝加置二人降為從四品龍朔咸亨隨寺改復

司農卿之職掌邦國倉儲委積之政令太平御覽引六
典作委積之事總上林太倉鈎盾導官四署與
曰唐志然同諸監之官屬

舊屬官又有太和玉山九成宮農圃等三監
開元二十三年省

謹其出納而備其職務少卿為之貳凡京都百
司官吏祿廩皆仰給焉

每年支諸司雜物各有定額開元二十三年

勅以為費用過多遂停減光祿寺左右羽林
 左右萬騎左右三衛閑廩使五坊使洛城西
 門東宮南衙諸厨及總監司農鴻臚等司年
 支雜物并括少府監庫內舊物四百餘萬
 凡朝會祭祀供御所須及百官常料則率署監
 所貯之物以供其事凡孟春吉亥皇帝親籍田
 之礼有事于先農則奉進耒耜
 兩漢及魏晉並有其礼過江草創未暇至宋

始有齊曰之猶不齋不祭至梁天監中依國
 語礼記散齋七日致齋三日於耕所設先農
 神座薦羞之礼如社稷隋志薦上有陳字礼
 下有讚辭二字稷下有
有法陳因之後魏闕北齊籍於城東南千畝
 設御隋志御下壇於阡陌東按隋志阡陌東
 當作阡東陌北
四正月吉亥使公卿祀先農於壇上祀訖帝
 降至耕位執耒三推升壇即坐一品五推二
 品七推三品九推籍田令帥屬以牛耕終千

畝以青箱奉種稷之種隋志種下有司農諸

諸當耕所灑淵鑑類函引之耨冊府元龜訖隋

訖下有司省功奏事畢帝降之便殿更衣宴

饗隋志作班賚而還後周無間隋於啓夏門

外置地千畝為壇孟春吉亥祭先農以後稷

配牲用太牢皇帝服袞冕備法駕乘耕根車

祀三獻訖日耕司農授耒皇帝三推執事以

授應耕者各以班五推九推司農隋志司農

率其屬終畝皇朝因之開元二十三年正月

上親耕於洛陽東門外諸儒奏議以為古者

耦耕以一撥撥當為一推其礼久廢今用牛

耕宜以一步為一推及親籍田太常卿告三

推礼畢上曰朕憂農人之勤勞欲俯同九推

遂九推而止於是公卿以下皆過於古云

季冬藏冰祭司寒以黑牡秬黍仲春啓冰亦如

之

丞六人從六品上

秦治粟內史有兩丞漢曰之武帝改為大司農
丞兩丞及桑弘羊為大司農置部丞數十
人分部主郡國將以興利後漢司農丞一人
比千石部丞一人六百石部丞主帑藏魏曰
之品第七晉亦品第七進賢一梁冠介幘阜
衣銅印黃綬宋齊梁陳司農丞墨綬後魏從
五品中太和二十二年為七品下北齊因之

隋司農丞五人品從第六大業五年加至從
五品皇朝武德中置四人貞觀中加置六人
主簿二人從七品上

晉太康中置主簿二人宋齊無聞梁置一人
七班之中第三陳曰之後魏不見北齊司農
寺有功曹五官主簿隋司農主簿二人皇朝
曰之

錄事二人從九品上

丞掌判寺事凡天下租稅及折造轉運于京都
皆閱而納之每歲自都轉米一百萬石以祿百
官及供諸司若駕行幸東都則減或罷之凡受
租皆於輸場對倉官租綱吏人執籌數函其函
大五斛次三斛小一斛其諸州稟結應輸京都
者閱而納之以供祥麟鳳苑之馬凡朝會祭祀
米物薪芻皆應時而給

若應供御進內則摠本司移牒而供之其中

書門下尚書省御史臺史館集賢院別敕定
名使并吏部兵部入宿令史中書門下令史
諸楷書手寫書課皆有炭料

凡官戶奴婢男女成人先以本色媿偶若給賜
許其妻子相隨若犯籍沒以其所能各配諸司
婦人巧者入掖庭

主簿掌印省署抄目句檢替失凡署

批曰唐志署當作置

木契二十隻應須出納

納疑給字

與署合之

十隻與太倉署合十隻與導官署合皆九雄
一雌雄主簿掌雌留署勘然後出給

錄事掌受事發辰

上林署令二人從七品下

漢書百官表水衡都尉武帝置掌上林苑屬
官有上林令丞尉又有甘泉上林長丞又步
兵校尉掌上林苑又少府屬官有上林中士
池監上林者漢之苑囿也司馬相如有上林

賦後漢上林苑令一人六百石主苑中禽獸
頗有人居皆主之捕得其獸送太官丞一人
三百石魏晉曰之江左闕其官宋武帝復置
隸尚書殿中曹及少府齊曰之梁陳屬司農
後魏闕文北齊及隋並屬司農皇朝曰之
丞四人從八品下

漢水衡都尉上林有八丞後漢魏晉並一人
江左省宋武帝置齊梁陳並一人後魏闕文

北齊上林丞八人隋置二人皇朝置四人
監事十人從九品下

上林署令掌苑囿園池之事丞為之貳凡植果
樹蔬菜以供朝會祭祀其尚食進御及諸司常
料亦有差

諸司吏執抄旁詣圃然後給之

凡季冬藏冰

每歲藏一千段方三尺厚一尺五寸所管州

於山谷鑿而取之

先立春三日納之冰井

周禮凌人掌冰政歲十有二月令斬冰三其

凌春始治鑑夏頒冰秋刷鄭玄云凌冰室也

刷清也刷除凌室鄭注室下有當字更納新冰西陸

朝覲覲當作覲而出之以進御焉

太倉署令三人從七品下

石氏星經天倉六星在婁南倉谷所藏南四

星天庾積厨粟之所天困十三星困倉廩之
 屬主御糧也史記云武王伐殷散鉅橋之粟
 周礼有廩人下大夫上士秦漢大司農屬官
 太倉令丞各一人文帝時淳于意為之後漢
 太倉令一人六百石魏品第七晉宋齊梁陳
 亦然後魏闕文北齊司農統太倉令丞後周
 有司倉下大夫隋太令令當署令二人米廩
 督二人谷倉督四人塩倉督二人皇朝署署

作置太倉令三人東都則曰含嘉倉
 丞六人從八品下

秦漢魏晉宋齊梁陳北齊皆有丞一人隋太

倉丞六人皇朝曰之按通典云大

唐有丞二人

監事十人從九品下

太倉署令掌九穀廩藏之事丞為之貳凡鑿窖
 置屋皆銘甄為庾斛之數與其年月日受領粟
 官吏姓名又立牌如其銘焉

輸米粟二斛課稟一圍三斛極一枚米二十
斛蘧蔕一領粟四十斛苦苦當一作苦一蕃蕃當一作蕃麥
及雜種亦如之以充倉窖所用仍令輸人營
備之

凡粟支九年米及雜種三年

貯經三年斛聽耗一升五年已上二升

凡京官之祿發京倉以給

中書門下御史臺尚書省殿中省內侍省九

寺三監左右春坊詹事府京兆河南府並第
一般上旬給十八衛諸王府率更家令僕寺
京都總監內坊並第二般中旬給諸公主府
邑司東宮十率府九成官官當總監兩京畿
府官並第三般下旬給餘司無額準下旬
給公糧者皆承尚書省符

丁男日給米二升鹽二勺五撮妻妾老男小
則減之若老中小男无官及見驅使兼國子

監學生鍼醫生雖未成丁亦依丁例

鈎盾署令二人正八品上

漢少府屬官有鈎盾令丞茂陵中書云鈎盾
官者近署兵器所造昭紀云帝初立年八歲
耕于鈎盾弄田應劭云帝時幼未能親耕帝
籍鈎盾官者近署故往試為弄田後漢令六
百石魏氏闕文晉大鴻臚屬官有鈎盾令宋
齊梁陳省其官後魏闕文北齊大司農
大恐

統鈎盾令丞隋司農統鈎盾署令三人掌薪

芻及炭鵝鴨蒲蘭蘭當作藺陂地藪澤之物皇朝

令二人丞四人

丞四人正九品上

漢有五丞後漢置一人四百石又有苑丞永

安鴻池丞並隸鈎盾魏氏目之隋鈎盾十二

丞皇朝減置四人

監事十人從九品下

後漢鈎盾令從官四十人晉鈎盾令置主簿
錄事各一人

鈎盾署令掌供邦國新芻之事丞為之貳凡祭
祀朝會賓客享宴隨其差降而供給焉

凡京官應給炭五品已上日二斤蕃客在館
第一等人日三斤已下各有差其和市木橦
一十六萬根每歲納寺如用不足以苑內蒿
根柴兼之其京兆岐龍批唐志龍當作隴州募丁七

千人每年各輸作木橦八十根春秋二時送
納若駕在都則於河南府諸縣市之少尹一
人與卿相知檢察

凡孳生鵝鴨鷄彘之屬皆令官奴婢為課養之

導官署令二人八品上旧唐志作正八品下

秦漢少府屬官有導官令丞主擇米以供祭
祀及御饌導擇也後漢屬大司農令六百石
丞三百石魏晉宋齊皆有令丞梁在七班之

下為三品勳位批隋志勳當作蘊陳因之後魏關文

北齊及隋皆有令丞並屬司農皇朝因之置

令二人

丞四人正九品上旧唐志上作下

秦漢魏皆有丞晋氏不置宋齊又置梁陳復

省隋有五丞皇朝置四人

監事十人從九品下

晋導官令置主簿録事酒吏鼓吏等北齊導

官官下當有署字有御細部麴麪部典庫部等倉督

隋導官署有御細倉督麴麪等倉督批隋志等倉督

當作倉督等負四字

導官署令掌供御導擇米麥之事丞為之貳凡

九穀之用有為糗糒有為麴蘖有為粉脂皆隨

其精麤差其耗損而供給之

太原永豐龍門監依目錄龍門下當有等每倉

監一人正七品下

漢書鄴生云據敖倉之粟又吳有海陵倉大
司農屬官有諸倉長丞後漢河南尹屬官有
滎陽穀倉按後漢志當長丞魏書有邸閣倉
亦其事也東晉有東倉石頭倉宋齊曰之梁
司農統左中右三部隋志作倉丞陳氏亦同
後魏關文北齊司農有梁州及石濟之水次
倉隋初漕關東之粟以實京邑衛州黎陽倉
滎陽滎當洛口倉洛州河陽倉陝州常平倉

潼關渭南亦皆有倉以轉運之各有監官皇
朝因之

丞二人從八品上

諸倉監各掌其倉窖儲積之事丞為之貳凡粟
出給者每一屋一窖盡贖者附計欠者隨事科
徵非理欠損者坐其所由令徵陪之凡出納帳
歲終上于寺焉

司竹監監一人正七品下

漢官有司竹長丞魏晉河內淇園竹各置司
守之官江左省後魏有司竹都尉北齊後周
並闕隋有司竹監及丞皇朝因之今在京兆
鄠盤屋懷州河內縣

副監一人正八品下

丞二人從八品上

司竹監掌植養園竹之事副監為之貳凡宮掖
及百司所須簾籠筐篋之屬命工人擇其材幹

以供之其筍則以時供尚食歲終以竹功之多
少為之考課

丞掌判監事

溫泉湯監一人正七品下

辛氏三秦記云驪山西有溫湯先以三牲祭
乃得洗不祭則爛人肉俗說云秦始皇與神
女戲不以禮神女唾之生瘡始皇怖謝乃為
出溫泉洗之立愈抱朴子曰水有溫泉之湯

池火有蕭丘之寒爛漢魏已來相承云能蕩
邪蠲疫今在新豐縣西後周庾信有溫泉碑
皇朝置溫泉宮一本宮作官常所臨幸又京兆府
藍田縣有石門湯岐州郿縣有鳳凰湯同州
有北山湯河南府有陸渾湯汝州有廣成湯
天下諸州徃徃有之然地氣溫潤植物尤早
卉木凌冬不凋蔬果入春先熟比之驪山多
所不逮

丞一人從八品上

溫泉湯監掌湯池宮禁之事丞為之貳凡駕幸
溫湯其用物不支所司者皆供之若有防堰損
壞隨時脩築之凡王公已下至於庶人湯泉館
室有差別其貴賤而禁其踰越凡近湯之地潤
黷按唐志潤當作澤所及瓜果之屬先時而育者必為
之園畦而課其樹藝成熟則苞匭而進之以薦

陵廟

按溫湯監次脫京都苑摠監四面監諸屯
監九成宮摠監四條今以旧唐志補之

京都苑總監監各一人從五品下

副監一人從六品下

丞二人從七品下

主簿一人從九品上

苑總監掌宮苑內館園池之事副監為之

貳凡禽魚菓木皆摠而司之凡給摠監及

苑面官屬人畜出入皆為差降之數

京都苑四面監監各一人從六品下

副監一人從七品下

丞二人正八品下

四面監掌所管面苑內宮館園池與其種

植修葺之事副監為之貳丞掌判監事

諸屯監一人從七品下

丞二人從八品下

諸屯監各掌其屯稼穡丞為之貳凡每年

定課有差

九成宮摠監監一人從五品下

副監一人從六品下

丞一人從七品下

主簿一人從九品下 唐志 下作上

九成宮監掌檢校宮苑 唐志 苑作樹 供進合鍊藥餌

之事副監為之貳

丞掌判監事

主簿掌印句檢監事

大唐六典司農寺卷第十九

大
序
方
典

卷
之
十
九

